

國醫小叢書之一十

秦
校
白
喉
辨
證

南陵黃維翰先生著

上海國醫書局印行

重刊白喉辨證序

世稱白喉為疫證。宜用涼劑。又謂白喉色白屬寒證。有專方。用麻黃五積散主之。余聞此言久矣。即見人之治此證亦屢矣。雖間有效驗。然總不敢信為百不失一。今夏陳泉川中適老友王社庭學博自桂來。篋中攜有白喉辨證一書。條分縷析。不拘寒熱。總宜辨證治之。無不立效。真至寶也。並云。是書流傳外省。活人甚多。余時適奉督漕之命。攜來袁江。與桂香亭觀察談及。亦甚以是書亟宜刊布。爰付剞劂。以廣其傳。蓋同一濟世利人之苦心也。書成略綴數語以識之。

光緒六年庚辰冬月湘潭黎培敬序於漕河節署

序

世稱張仲景為醫之聖。乃著傷寒而不著喉科。非今有喉疾。而古無喉疾。以治喉與傷寒一也。自世有專業喉科。而於內經缺焉。不講傳授方書。奉為珍秘。迨遇白喉症。茫然莫解。妄名之曰疫。下手必用大黃。視者亦參附為砒霜。其幸而中者。自鳴得意。不幸而患者。遂遭其毒。尤可怪者。一家傳染死者過半。而父兄仍守其說。竟至絕宗而無怨。歸咎於天疫之流行。可痛哉。可惜哉。黃丹生學博詩古書法。各臻其妙。尤深究岐黃之術。每遇此症。輒奇中。余叩其術曰。知仲景書即知治白喉耳。因以手撰辨症一書見示。其論寒熱虛實。無不確當。而又分出輕重二症。使用藥者。無過不及之弊。約而精。亦詳而晰。使人熟察深思。當不見殺於庸醫之手也。因促付剞劂。以廣為流傳焉。

世愚弟王鶴序於京邸之補拙齋

凡例

一是書端為不知醫者設法。故語多俚鄙。並欲便利印刷。故引證亦簡。

一方書長篇累幅。每令不知醫者目眩。故縷析條陳。俾閱者開卷了然。易於記憶。

一是書宜分看合看。庶臨症時。不致顧此失彼。

一白喉用單紙刊方傳者。雖屬善舉。究誤大事何也。其人或曾患熱症服涼劑而愈。則所傳者必涼劑也。倘寒症信之。鮮能救矣。其人或曾患寒症服溫劑而愈。則所傳者必溫劑也。倘熱症信之。鮮能救矣。

一用方宜斟酌。用藥尤宜斟酌。如人參貧不能得。惟新色紋黨最佳。台黨無真。明黨尤不堪用。而以玉竹洋參代人參者尤可笑。

用熟附片。甚無急效。必重用方可。大黃只宜酒炒。使之上行。若過為熟製。未免大烈。不如不用。



女科類

胎產證治

秦校胎產秘書

秦校達生編

幼科類

幼科易知錄

秦校慢驚福幼編

走馬牙疳治療奇方

喉科類

秘傳喉科十八證

秦校喉科指南重樓玉鑰

秦校喉科秘旨

李校白喉治法捷要

許校白喉忌表抉微

白喉條辨

王肯堂
錢氏
函齋居士

鉛印 平裝 一冊 二角
鉛印 平裝 一冊 二角
鉛印 平裝 一冊 一角

六折 六折 六折

吳溶堂
莊一夔
滕氏

鉛印 平裝 一冊 五角
石印 本裝 一冊 一角
鉛印 平裝 一冊 一角

六折 六折 六折

蔡鈞
鄭梅澗
吳張氏
張紹修
耐修子
陳葆善

石印 本裝 一冊 一角
鉛印 平裝 一冊 四角
石印 本裝 一冊 三角
石印 本裝 一冊 一角
石印 本裝 一冊 一角
鉛印 平裝 一冊 二角

六折 六折 六折 六折 六折 六折

白喉辨症

南陵黃維翰再生氏著

白喉症。書所未載。而時醫目為疫症。謬矣。凡治病必先尋經絡。次察寒熱。次審虛實。虛實既定。雖雜病百出。可以一貫之。如白喉一症。亦寒暑之不時。血氣之不調所至。非人身之外別有一病也。焉有不審寒熱虛實。而概指為疫乎。經云。赤屬熱。白屬寒。果如所言。則白喉只有寒而無熱。其曰熱者。亦從症而別之耳。若概指為疫。則只有熱而無寒矣。於理安在。此其弊皆由於不辨脉。不辨症。徒聽時醫之說。以人之性命。委諸無形之斧。及予甚恨之。詩酒之暇。因將白喉一症。條分縷析。一寒一熱。頗費推敲。而寒熱之中。又分輕重。庶用藥無毫釐千里之謬。書既成。或有疑之者曰。既非疫。焉有傳染。曰。氣之相感。理之常然。如傷風瘡毒之類。防身者每不與共寢食。若以傳染為疫。則

傷風瘡毒。不亦可云疫乎。曰有傳染不傳染。何也。曰物必先朽也。而後蟲生之。其傳染者必其人內有寒熱而未發現也。故有同一室而傳與不傳各異。傳者之寒與熱亦各異。曰其色白。何也。曰白屬肺。凡風寒熱之中人。未有不由外入而傷肺者。喉為氣之門戶。故宜宣發。而時醫忌表藥非也。曰寒熱之為病多矣。而獨發於喉。何也。曰十二經惟足太陽主表。別下項。餘皆內循於喉。盡得而病之也。蓋陽明為水穀之海。而胃氣直透咽喉。故喉疾惟陽明之火為最盛。少陽厥陰為木火之臟。亦多熱症。少陰之脉絡於舌本。凡陰火衝逆。多生喉疾。但其中有虛有實。不得概從火斷。而少陰尤不可概從火斷。如酒色過度。真陰虧損。火無所歸。非壯水不可。否則非溫補命門不可。此褚氏遺書。所以有上病療下之說也。曰何死之速也。曰生與死亦只從脉而別之。白喉非死證也。若熱症投以熱藥。寒症投以寒藥。或表症

而過於攻下。或虛症而過於表散。如人之無辜受戮。雖欲不死。焉得而不死。且每聞白喉之死者。無死於附桂。皆死於大黃。大抵人知有熱症。而不知有寒症。即知有寒症。而不知有虛寒之症。皆誤於疫之一字也。然則予之辨之也。其容已乎。但見淺學寡。不無疏漏。高明之士。倘能匡予以不逮。則幸甚。

辨症法

一白點在外關者。

小舌旁邊

多屬熱。在內關者。

小舌內

多屬寒。

一熱症必腫。寒症不腫。喉內反大而空。

亦有虛腫者。

一熱症必痛。痛無止息。

暑痛者輕。痛甚者重。

寒症不甚痛。或時痛時止。

一熱症吃水不甚痛。吃飯則痛。寒症吃水痛。吃飯不甚痛。

以虛能受物也。

善於體認。

王鶴識。

一熱症必渴。喜吃水。

喜溫者輕。喜冷者重。

少吃者輕。多吃者重。

寒症不渴。雖渴不多吃水。

喜溫者輕。喜極熱者重。

一熱症不思食。亦不能食。

一由腫痛。一由不知味。

寒症能食而不甚思食。

一由脾虛。

一由脾絕。一由過服寒劑。

一熱症有風涎。

風涎少者輕。風涎多者重。均宜表散。

寒症則斷無風涎。

若係風寒。亦有風涎。宜表散。

一熱症白點必乾澀。或一邊一點。或一邊數點。大小不一。寒症白點

必明潤。或成點。或成塊。甚者滿喉俱白。狀如凝膏。

一熱症滿喉皆紅色。或紅絲。

紅絲者輕。

寒症滿喉皆白色。或淡紅色。

淡紅色者

輕。

一熱症舌胎或黃或黑。宜察其潤燥。燥者是實熱。宜下之。潤者是假

熱。宜溫補。否則不可救藥。寒症舌胎必白。或間有黑黃色。亦宜察

其潤燥。潤者寒重。燥者寒輕。表散之而已。

鼻孔口唇俱宜察其潤燥。但有火燥。肺而鼻燥。

者。有肺氣絕而鼻燥者。有脾火伏而唇燥者。有胃氣不升而唇燥者。有脾氣絕而唇燥者。有傷食而唇燥者。俱宜詳察。目則察其畏

風與否。畏火與否而已。

一熱症小便必赤。赤而熱者是實熱。赤而不熱。且長而多者。是假熱。

宜補而兼瀉。若清長則的是寒症矣。

一熱症忌滿喉白。滿喉腫。滿喉者必閉死。寒症不忌腫並不忌滿喉。

盡白。只忌失音動痰。不能救矣。

失音動痰。一由腎絕水泛為痰。一由過服涼劑。使脾胃之氣閉塞不

通。切不可用表散及桑白皮之屬。宜大溫補。如溫胃湯等劑。

又方

用活魚一隻。將魚嘴扳開。入病者口中。使涎流入喉內。無涎再用數隻。即時開音。屢試屢驗。

一治喉必分氣血。上午痛者屬氣分。下午痛者屬血分。凡症類然。不獨白喉也。

一氣分實熱。或風熱風寒等症。俱痛無止息。虛寒症。上午痛。必至下

午方減。治者或姜桂六君子湯。補中益氣湯之屬。血分不拘寒熱。下午痛。必至交子方

減。

治者如熱症用元參湯。知柏四物湯之屬。虛寒症用真武湯。四逆湯。附桂理陰煎之屬。

一熱症必先升散。服升陽散火湯。再察其熱之輕重投藥。輕者服連翹飲。重者服通咽利膈湯。

一寒症如風寒宜解表。服散毒散。及參蘇飲之類。虛寒不必解表。先察其寒之輕重投藥。輕者服五積散。重者服附桂理中湯。及溫胃湯之類。風寒必有表熱。虛寒無熱。亦有虛熱者。

一邪熱既盛。而真陽復虛之症。其脉浮緊而濡。欲下之而恐亡陽。欲不下而邪熱復熾。此中秘竅。人多莫識。其法宜附子瀉心湯。寒熱並用。斯為有制之兵。

一是症無論寒熱。總宜宣肺。桔梗麻黃。的是要藥。風熱風寒宜桔梗。虛寒宜麻黃。

一熱症尚輕。過服大黃黃連。而病愈加者。宜轉服荊防敗毒散。加升麻。恐邪陷下。而不得出也。或寒症尚輕。過服姜附。而現燥症者。不

必用涼劑解。只用三尺深黃土。定清水煎服數盞。再審何症。斟酌用方。若係虛寒而誤服大黃芒硝者。其症與實火無異。舌或黃而黑。唇或乾而燥。但潤而不渴耳。非生煨附子莫治。其法以生附子一枚。用黃土包裹於火內。煨至土乾而止。無生附子重用熟附片。或二兩或四兩亦可。

觀此一段具見婆心 王鶴識

一治白喉。可以姜湯試。畏熱畏辣者。屬熱症。不畏熱不畏辣者。屬寒症。如貧戶無錢服藥。熱症用三尺深黃土定清水煎路邊荊服。寒症用生姜數兩加紫蘇葉煎服。亦可全愈。

一達原飲。乃疫症用此。以達其膜原。全不與白喉相干。今治白喉者。好用此方。殊不可解。亦幸而獲愈者。恰是熱症適逢其會耳。虛寒者服此。雖有扁鵲莫能挽矣。

一治白喉者。各有忌藥。有忌升麻者。忌細辛者。忌麻黃者。忌白朮者。

忌地黃者。並全忌表藥者。種種惡習深可慨歎。夫症有必用。雖砒霜皆要藥。症不可用。雖參茸皆毒藥。若舍症而言藥。何藥不忌。

一熱症過服表劑者。雖不愈。尚不死。誤服補劑者。必死。虛寒症過服表劑者。升散太過誤服下藥者。不過五日必死。大傷元氣

一表藥不過宣發內邪。使無遏抑。原不能取急效。治者不可因其無效而過服。或涼或溫。急宜轉方。蓋表藥多辛竈。過服則耗散真氣。氣虛者必至壅氣也。

一白喉惟地黃最難用。果係血虛血熱。真陰虧損。非地黃莫治。否則不可輕投。大約近今少輩。半多虛弱。亦半多斷喪。以至真元虧損。而寒氣乘虛而入。直中少陰。迨入之既深。外面雖不見症。而五內之受傷多矣。故實熱喉症。其白自外而內。虛寒喉症。其白自內而外。甚者肺管內俱白。非姜附何以攻出。但必用參朮歸地。始能搗

其巢穴。否則全不着痛癢。雖獲痊可。不免遲延時日耳。

一白喉不無傳染。非因熱症而傳染者。即為熱症。因寒症而傳染者。即為寒症。亦視人稟受之強弱。氣血之虛實。下藥。

一患白喉者。必兼感雜症。若萬難兼理。只治白喉。不理雜病。而雜病自愈。何也。病未有不相因也。或白喉已愈。而雜病未愈。或白喉已愈。而雜病又生。則在醫者變而通之。神而明之。古方具在。不能備述。

一辨症宜相天時。度地勢。審人事。大約夏秋多熱。春冬多寒。住平洋者多熱。住深山冷浸之地者多寒。體强者多熱。體弱者多寒。論虛實不瘦論肥好酒者多熱。好色者多寒。少壯者多熱。年老多寒。雖不盡然。此其大較也。

辨脉法

脉理至微。言難筆罄。只此數言。亦可辨症。

熱症脉主浮。浮細而數為風熱。其熱輕。宜清散。

如升陽散大湯之屬

浮洪而數。

按之有力為實火。其熱重。宜下之。

如清咽利膈湯之屬

按之無力。乃是假熱。

宜補氣。

補中益氣湯隨加

若浮數而弦長。則胃氣絕矣。不治。

熱脉無沈。沈而牢實。亦為

實大宜下之。

寒症脉主緊。浮數而緊為風寒。其寒輕。宜表散。

荆防敗毒散

沈細而遲緊。

重按不見為虛寒。其寒重。宜溫補。

如附桂理中湯之屬

遲緩而緊。按之有神。

其寒在表裏之際。宜溫散。

如五積散及參蘇飲之屬

若浮數而弦緊。或沈數而

弦緊。按之不拘有力無力。而胃氣絕矣。不治。

按浮洪弦數實等脉。主熱。遲緩沈緊等脉。主寒。亦宜察其為某部

之熱。某部之寒。或六脉俱浮數。六脉俱沈緊。而後能下藥。如胃氣

絕者。其症與實火無異。若用寒涼。益速之死。治者宜八寶丹再造丹。庶可僥倖於萬一。

彙方備用

分寒熱輕重氣血以便尋閱

熱症輕劑

○升陽散火湯

治風熱初用方

荊芥 薄荷

連翹

射干

牛蒡子

甘草

桔梗

柴胡

前胡 僵蠶

防風

升麻

蟬退

○荊防敗毒散

治風熱風寒初用方

人參 羌活

柴胡

前胡

獨活

川芎

荊芥

防風

桔梗 枳殼

茯苓

甘草

○連翹飲

治肺胃邪熱

連翹

葛根

黃芩

赤芍

梔子

桔梗

升麻

牛蒡子